

Prome proyecto “Summer School Aruba” a wordo lansa



ORANJESTAD - E prome proyecto “Aruba summer program” a wordo lansa. Esaki Director di Caribbean branch office TNO Jan Ebbing a confirma recientemente.

Segun sr. Ebbing 14 estudiante cu a bin di afo pa haci un estudio pa dos siman largo. E hobennan durante e proceso a haci un investigacion di tur e proyectonan cu ta tuma lugha durante aña na Aruba. Pues nan a tuma nota di e proyectonan cu a pasa y ainda ta pasando actualmente. Asina nan a sinta pensa hunto kico tur alternativa ainda por bin ainda. Tambe nan a analisa e parti social di tur e proyectonan pues con hendenan ta wordo invita pa participa.

E importancia di e proyecto “Aruba summer program” ta hopi grandi. Riba e isla Caribbean branch office tabata tin como meta yuda lanta un “green factory”. Awo pa prome biaha cu Aruba summer School traha conhuntamente cu Arizona’s State University nan por trece mas estudiante di afo como tambe estudiante di Aruba mes pa participa. Nan a selecciona un grupo chikito pasobra e ta costa placa pa trece studiantenan di afo y tambe pa por prepara studiantenan bon e ta

miho den gruponan chikito. Pues no por bay duna esaki na mucho hende pareu.

Perspectativanan diferente

Natham Johnson, di Arizona State University ta conta cu como estudiante di afo, nan ta bin cu perspectivanan nobo. Y nan ya caba tin un background pa locual ta trata “green energy” y sostenibilidad cual ta algo cu pa hopi lunanan caba Aruba tin un interes hopi grandi aden. Johnson ta conta cu nan tin un conocimiento amplio den materianan manera ciencia y matematica y ta complementa esaki cu otro materianan manera economia social y arkitektura.

Pues nan ta enfoca riba con pa traha solucionnan pa infraestructura cu ta sostenibel pero cu ta elegante na mesun



tempo.

Na Arizona State, ta den desierto. Ta hopi, hopi seco, mescos cu na Aruba. Pues esaki ta un oportunidad unico no solamente pa locual ta trata e parti tecnico pero tambe cultural y economico pa siña hunto. E ta informa nan tambe con nan por crea solucionnan sostenibel na Arizona tambe mientras nan ta den e proceso di yuda Aruba yega na su metanan sostenibel. Pa nan locual cu ta mas excitante ta haya solucionnan cu lo mehora hende nan bida diario. Haya inter-

accionnan cu no lo pasa riba un dia comun y coriente.

Iniciativa

Presente na e ocasion tabata minister di enseñansa esta Michelle Hooyboer - Winkelhaar cu a bisa cu e ta contento di mira iniciativanan asina. El a conta cu recientemente el a lesa articulonan cu ta di UNESCO cu ta conta con hopi e cantidad di studiantenan cu ta haci intercambianan internacional a subi durante e ultimo decada.

E manera cu universidadnan rond di mundo ta trahando cu otro den un sociedad moderno a cambia masha hopi mes. Awo, universidadnan no ta enfoca mas riba solucionnan academico si no con pa hinca esakinan den sociedadnan rond di mundo y haci un cambio. Sostenibilidad ta un problema global y e manera di incorpora studiantenan y intercambianan cu otro pa busca solucionnan ta haci cu universidadnan awo ta traha hunto cu insti-

tucionnan pa promove esaki. Rond di mundo, universidadnan no kier solamente educa hende riba un problema pero motiva nan pa bira parti di e solucion. E cambio di mentalidad y actitud ta locual ta mobilizando tur cos. E sector priva y educacion hopi biah ta wordo poni apart di otro. Y awo universidadnan ta pushando pa nan por cuminsa traha hunto. Sector priva ta dunando studiantenan e oportunidad pa nan mes ta e “entrepreneurs” nan patras di e cambionan cu ta bin. Esaki ta e reto cu kier wordo cumpli cun’e. Pa studiantenan haya e oportunidad y e sosten pa nan mes trece e cambionan dilanti. Especialmente den e area di sostenibilidad tin hopi espacio pa esaki wordo haci y hopi oportunidadnan pa studiantenan aplica y propaganda nan mes e solucionnan sostenibel cu nan ta trece dilanti. Crea negoshinan basa riba sostenibilidad, crea pa e studiantenan mes cu di berdad por triunfa den e sociedad aki. □

